

Txirritola

ARAMAIO / Eguena / 2004ko abenduaren 23a / 134. zenbakia

2004
urteari
begiratua
ARAMAIO

*Aramaiar guztioi, 2005
zoriontsua opa dizuegu*



CAJA LABORAL
EUSKADIKO KUTXA

Bixente Goikoetxea 2. Tel.: 945 44 52 08/Faxa: 945 44 52 76

URTARRILA



"Gazte lokalen kasuan, burugogorkeria apur bat dago alde bien partetik"

ENERITZ MONDRAGON / GAZTEA

2004-01-16



"Pentsatu genuen elkarte bat egin behar genuela; herriko lehena izan zen"

EUSEBIO A. / IZARRA ELKARTEA

2004-01-23



Etxekoak txapeldun Arabako Taldekako Bertsolari Txapelketan

Gorbeialdeko taldeak irabazi zuen 2004ko Arabako Taldekako Bertsolari Txapelketa. Batez ere, aramaioarrez osatutako taldea zen Gorbeialdekoa. Hain zuzen, herriko lau bertsolarik jokatu zuten talde hartan: Manex Agirrek, Iker Agirrek, Andere Arriolabengoak eta Gillen Agirrek. Zilarrezko platera eta poza ekarri zituzten etxera bertsolari gazteek. /2004-01-23

KIROLA

Maider Unda Espainiako txapeldun seigarren aldiz

Seigarren aldiz eskuratu zuen txapela Maider Unda borrokalaria oletarrak Espainiako Txapelketa nagusian. Gijonen eman zioten Undari borroka libreko emakumezko ligaren garaile izendatzen zuen domina. Eta handik aurrera buru-belarri ekin zion oletar gazteak Atenasen jokatu behar ziren Olinpiar Jokotarako prestatzen. Makina bat

kanporaketa irabazi zuen Undak Olinpiar Jokotarako sailkatzeko. Baina martxoko kanporaketetan ezin izan zuen aurrera egin, eta, zoritxarrez, Olinpiar Jokoen atarian geratu zen aramaioarra. Ordudanik, Madrilen gustura ez eta Aramaioara bueltatu zen Maider Unda. Harrezkero, etxean eta Gasteizen entrenatzen jarraitu du. /2004-01-30



Maider Unda borrokalaria.

GIZARTEA

Urteko sagardoarekin txotx egin zuten Iturrietan

Arabako idazle ezagun Toti Martinez de Lezea aukeratu zuten Iturrietakoek 2004ko sagardoarekin txotx egiteko. Hari laguntzen herriko trikitilariak, txalapartariak eta bertsolariak izan ziren Arraga auzoko sagardotegian. Erraz edateko sagardoa estreinatu zuten txotx jaira joan zirenek, goxoa eta garraztasun bakoa. /2004-01-16

HIRIGINTZA

Udaletxea berritzeko lanak esleitu zituen udalbatzarrak

Mauricio Arregi enpresari esleitu zizkioten udaletxea berritzeko lanak. Helburua zen udaletxea egokitzea. Besteak beste, zailtasunak dituztenendako igogailua ipini gura zuten eta herritarrendako harrera-guneak egokitu. Lanon ondorioz, udal langile guztiek osoko bilkuren artoan ibili behar izan dute lanean martxoa ezker. /2004-01-30

GIZARTEA

Espainiako gerrako kaskoa aurkitu zuten Zabola auzoan

Jorge Errasti barajuendarrak 36ko gerrako kaskoa aurkitu zuen Zabola inguruko basoan ehizan zebilela. Arangiotik hasi eta Asentzioko, Kurtzetako, Tellamendiko eta inguruko mendi-gainetan egon ziren trinxeren lekukoa zen hura. Auzokideek eskatuta, Barajuen auzoan gorde zuen gerrako erlikia hura. /2004-01-16

OTSAILA



"Esne-saltzaileak dirulaguntzek lagunduta bizi gara. Orain dela 20 urteko prezioekin gabiltza, eta dena igo da, baina esnea ez"

ROBERTO LASAKA / ESNE-SALTZAILEA

2004-02-13

HIRIGINTZA

Babes ofizialeko etxebizitzendako lanak hasita

Pedro Ignacio Barrutia kalean egin behar dituzten babes ofizialeko etxebizitzendako urbanizazio lanak egiten hasi ziren. Oro har, etxebizitzak eraiki ahal izateko orubea gertu uztea zen lanon helburua. Hala, bada, besteak beste, ur, argindar eta telefonia azpiegiturak sartu zituzten. Horrekin batera, zenbait herritarren ikamika piztu zuen pareta bat eraiki

zuten errekan. Zenbait gorabehera izan eta gero, erabaki zuten egindako pareta ez zela legezkoa, eta orain, bota egin beharko dute.

Asmoa da babes ofizialeko 44 etxebizitza eraikitzea Pedro Ignacio Barrutian. 40 errepidearen goiko aldean eraikiko dituzte eta beste laurak errekan gaineko aldean. Kopuruaren erdiak aramaioarrendako dira. /2004-02-06

KULTURA

Barikuetan zinema saioak egiten hasi ziren

Alex Aginagalde zinema-zalearen ekimenez, abenduan zinema saio bereziak egiten hasi ziren Aramaion, proba moduan. Eta izandako harrera ona ikusita, otsailetik aurrera programazio erregularra landu zuen Aginagaldek. Antolatzailearen hasierako asmoa zen film klasikoak eskaintzea, gero, Oscarrak edo sariren bat zuten filmak aukera-

tu gura izan zituen, baina hori jendea ez zaiola horrenbeste gustatzen ikusita, azkenean film komertzialagoetara jo behar izan du Alex Aginagaldek. Aurrerantzean halakoak nagusi izango diren arren, hilean behin film klasiko bat emateko asmoa du. Batez beste, 20 bat lagun joaten dira aramaioar gazteak antolatutako zinema emanaldietara. /2004-02-06

HIRIGINTZA

Plastikoak-eta batzeko edukiontzi horiak ipinita

Herritarren artean birziklapena bultzatze aldera, Udalak, plastikoak eta bestelako ontziak batzeko edukiontziak ipini zituen herriko auzo guztietan. Guztira, 33. Hain zuzen ere, lehenagotik zaborra batzeko zehaztuta zeuden puntuetan ipini zituzten edukiontzi berriak. Plastikozko

ontziak, latak eta brick ontziak batzeko edukiontziak dira Udalak ipinitako berriak.

Bestalde, edukiontzi hori horiek erabiltzen laguntzeko, Udalak ontzi txikiak banatu zituen herritarren artean. Etxe bakoitzerako bana eman zuten, guztira, 700. /2004-02-13



Herriko auzo guztietan ipini zituen Udalak edukiontzi berriak.

MARTXOA



"Jendeak kasu larregi egiten die landareei; bakean utzi behar dira"

JOXE ORUNA / LOREZAINA

2004-03-18



"Gizonen monopolioa bukatu da; kostata, baina neskak hasi gara"

ANDERE A. / BERTSOLARIA

2004-03-26



Ipuin lehiaketako irabazleak

Txirritola Euskara Elkar- teak antolatutako Ipuin Lehiaketako sei sariak bana- tu zituzten kultura etxean. Parte hartu zuten 20 lagunuen artean honako hauek irabazi zuten: Lehen Hezkuntzako bigarren zikloan Mairder Aldaik irabazi zuen *Ametza* izenburuko ipuinarekin eta Eider Vallina geratu zen bigarren *Txoria eta Sorgina* ipuinarekin; Lehen Hezkuntzako hirugarren zikloan Amaia Kortabariak irabazi zuen *Kuadrilako gertaerak* izeneko lanarekin eta Mairder Ibabe izan zen bigarren *Irla Sorgin- dua* lanarekin. Eta DBHko lehenengo zikloan Beatriz Azurmendik irabazi zuen *Jaioberriak hitz egiten du* izenburuko lanarekin eta Iraia Beitia izan zen bigarren *Maitasunezko eskuti- tza* lanarekin. /2004-03-05

APIRILA



"Erronka da gureak moduko herri txikietan bizitzea, bereziki, gastua hirietan baino handiagoa delako"

JAVI CARRO / ZUIAKO KOADRILAKO PRESIDENTEA

2004-04-23

KULTURA

Bizente Goikoetxearen aldeko ekimenak izan ziren

Bizente Goikoetxea musikari aramaioarra hil zela 150 urte bete zirela- eta, Udalak hari omenaldia egitea erabaki zuen. Hala, besteak beste, Arabako gotzainak meza berezia esan zuen haren omenez. Mezaren ostean kontzertua egin zuten eta musikariaren omenezko plaka ipini zuten elizpean. Espainiako Polifonia Moderna-

ren Printzea, Espainiako Musika Sakratuko Eskolako Buruzagi eta antzeko izendapenak erabili izan dituzte Bizente Goikoetxeaz berba egitean. Izan ere, erlijioarekin lotutako lan handiak egin zituen hark XIX. mendean. Betiere, kantu gregorianoa eta berpizkundeko polifonia oinarri hartuta. /2004-04-07

KULTURA

Aramaioko I. Gazte Egunaren emaitzarekin pozik

Trikitia eta panderoa hartu, bertsoen doinuekin kantu bereziak egin, eta, modu horretan, kalez kale eta tabernaz taberna ibili ziren Aramaioko eta inguruko gazteak. Halaxe hasi zuten Aramaioko I. Gazte Eguna. Gero, 45 bat lagun elkartu ziren afaltzeko. Eta afalostean, musika kontzertua izan zuten kiroldegian.

Kontzertua egin zuten bost taldeen artean, bi aramaioarrak ziren: Ataka eta Sakre.

Antolatzaileak pozik geratu ziren I. Gazte Egunak izan zuen erantzunarekin. Izan ere, herriko gazteekin batera, inguruko gazte ugari ere ibili ziren jaia ospatzen. Asmoa da datorren urtean errepikatzea. /2004-04-23

HAUTESKUNDEAK

PP izan zen galtzaile nagusia 2004ko hauteskundeetan

Inguruko herrietan moduan, Aramaion ere gora egin zuten EAJ eta EA alderdiek. Ezker aldeko alderdiek ere joera bera izan zuten. Ez horrela PPK. Hura izan zen galtzaile bakarra, botoen %5,5etik %2ra jaitsi zen. Aipagarria da, era berean, Aralar aurkeztu zela lehen aldiz. %22,33ko abstentzioa izan zen Aramaion. /2004-03-18

KULTURA

Arabako II. Bertsolari Txapelketako finalerdia Aramaion

Arabako II. Bertsolari Txapelketako lehen finalerdia Aramaioko kultura etxean jokatu zuten. Sei bertsolari lehiatu ziren: Andere Arriolabengoa, Ruben Sanchez, Oihane Perea, Asier Otamendi, Orlando Arreitunandia eta Zigor Enbeita. Andere Arriolabengoa izan zen gazteena. Laugarren postua eskuratu zuen berak. /2004-03-26

GIZARTEA

Zuhaitz Eguna ospatu zuten San Martin Eskolakoek

San Martin Eskolako 50 umek bat egin zuten Kurtzetan, 2004ko Zuhaitz Eguna ospatzeko asmorekin. Han, aitzurra eskuan hartu eta zuhaitz adaxka gazteak landatu zituzten. Bestalde, Joxe Oruna lorezainaren laguntzarekin, herriko landareen eta zuhaitzen gainean gehiago ikasteko aukera izan zuten neska- mutikoez. /2004-03-26



Kiroldegiko kontzertua ikusten 170 bat lagun izan ziren.

GOIKO

taberna

Nardeaga 25
ARAMAIO
Tel.: 945 44 50 14

ITURRIOSTE GARAJEA

Nekazaritza makinaren eta autoen
salmenta eta konponketa.

Olio, gurpil eta balazten konponketa

Urte berri on!

Santi Kurtz plaza 14.
Tel.: 945 44 51 28. ARAMAIO

MAIATZA



"Pilotaren inguruan sortutako enpresek dirua ateratzeko jarduten dute"

AITOR AXPE / PILOTAN EPAILE

2004-05-21



"Egundokoa litzateke Udalak Torraldeko pinudian parkea egitea"

L. GARDOKI / BARAJUENGO ALKATEA

2004-05-28



Gazte talde bat sortu zuten

Talde berria sortu zuten Aramaion: Aramaixo Tropikaleko Gazte Asanblada (ATGA). 50 bat gazteren artean sortu zuten taldea. Arrasateko gaztetxearen eta Otxandioko gazte taldearen laguntza izan zuten taldea sortzeko. Oro har, euskara lantzea eta herriko gazteen arteko harremana sendotzea da talde berriaren helburu nagusia. Horrez gainera, herriko elkarteekin harremana sendotzeko ere ahalegin berezia egitea erabaki zuten gazteek. Aramaixo Tropikaleko Gazte Asanbladak egin zuen aurreneko ekimena herriko jaiak antolatzea izan zen. Hala, gazteendako musika kontzertuak, eskolako umeekin antzerkia eta umeendako zein gazteendako jokoak antolatu zituzten, besteak beste. /2004-05-14

EKAINA



"Arexola auzoaren egoera triste da; bi urtean lanean gabiltza, egin beharrekoa bukatu ezinda"

AGUSTIN ARRIZABALAGA / AREXOLAKO AUZO ALKATEA

2004-06-25

KULTURA

Aramaioarrak Eskolarteko Euskadiko Txapelketara

Aramaioetik zazpi bertsolarik parte hartu zuten Arabako VIII. Eskolarteko Bertsolari Txapelketan; eta zazpiotatik hiruk irabazi egin zuten zegokien saioa. Batetik, idatzizko proban finalera iritsi ziren 55 lehiakideen artean, Xabier Igoa aramaioarra gailendu zen 14 urte azpikoen mailan. Eta beste bi aramaioar bat-bateko bertso saioan

gailendu ziren. Markel Arriola-bengoa, batetik. Eta Iker Agirre, bestetik. Hain zuzen ere, bigarren horren gainean, eta adituen arabera, gainerako parte-hartzaileen ondoan, etorri eta bizitasun handien izan zuten 14 urtetik 18 urtera artekoen mailan irabazi zuten biek: Iker Agirrek eta Izar Mendigurenek. /2004-06-11

KIROLA

Bi aramaioarrek 2004ko ralliesprintean jokatu zuten

Ekainaren 12an ralliesprinta jokatu zuten Aramaion. Parte hartu zuten 39 lasterkarien artean, Haritz Errasti eta Ander Oion aramaioarrak ere izan ziren. Dirua aurreratzen eta aurreratzen hasi eta automobila erosi zuen Haritz Errasti Azpiko-k. Gero, lasterketarako laguna aurkitu zuen, eta entrenatzeko arazo handiak izan

bazituzten ere, bi gazteek Aramaioko ralliesprintean jokatzeko lortu zuten. Ralliesprintean 6,6 kilometroko ibilbidea zuten aurrez aurre. Baina, zoritxarrez, bi aramaioarren automobila errepidetik atera zen eta lehiaketatik kanpo geratu ziren. Hori bai, lehen txanpan, mailako lehenak izan ziren. /2004-06-04

GIZARTEA

Lapurrak ibili ziren herriko zenbait lekutan

Herriko hiru lekutan lapurrak sartu ziren: kultura etxera, Anboto tabernara eta okindegira. Kultura etxetik ezin izan zuten ezer hartu, okindegitik gauza gutxi hartu zuten; baina Anboto tabernatik 600 euro dirutan, telefona eta preso eta herriko bi lagun aldeko itsulapikoak eramatea lortu zuten lapurrek. /2004-05-07

INGURUMENA

Erabilitako olio batzen hasi ziren Aramaion

Arabako Foru Aldundiak bultzatuta eta Udalak lagunduta, automobiletan, traktoreetan eta motordun bestelako tresnetan erabilitako olio batzen hasi ziren. Iturroste garajeetan ipini zuten hori egiteko ontzia. Asmoa zen batutako olio birziklatura eramatea, berriro ere motorrendako olio erabilgarri bihurtzeko. /2002-05-17

KULTURA

Esaera zaharren bertso lehiaketaren emaitzarekin pozik

Balorazio ona egin zuten Txirritola Euskara Elkartekoek esaera zaharren bertso lehiaketaren gainean. Antolatzaileen esanetan, 15 bat lagun ekin zioten lehiaketari, baina bukaera alde-ara lagun gehiagok egin zuten bat ekimenarekin. Oro har, oso ekimen alaia eta polita izan zela ikusita, antolatzaileen asmoa da errepikatzea. /2004-05-28



Argazkian Haritz Errasti Azpiko eta Ander Oion, bi lasterkariak.

UNZUETA
J A T E T X E A

- Eguneko menua
- Espezialitatea: Txuleta parrillan
- Karta

Zabola auzoa. ARAMAIO • Tel.: 945 44 50 95



BEHI-ALDE

ERKOP

BEHI-ALDE, KOOP. E.

Olaeta-Aramaio (Araba)
Zuzenbide postala

44 posta kutxa
20500 Arrasate



Tel.: 945 45 01 00
945 45 03 15
Faxa: 945 45 01 00
945 45 03 15

ONDO PASAU SAN MARTIN JAIK!

UZTAILA



"Auzotarrok nahi duguna da dagoen bidea zabalago egitea, kamioiak sartzeko"

MARTIN ETXABE / MATXAIN
2004-07-02



"Auzotarrei esango nieke batera jarri eta hitz egiten hastea komeni dela"

MIKEL KORTABARRIA / ARRAGA
2004-07-17



San Martinak, Arrantza Lehiaketa eta San Kristobal eguna

Jaiak izan ziren nagusi uztailean Aramaion: lehenengo, herrikoak, San Martinak etorri ziren, hilabete hasieran. Lehen aldiz gazteek antolatu zituzten jaiak, eta, oro har, jendea pozik geratu zen. Gero, Arrantza Lehiaketa egin zuten. 200 bat amuarrain bota zituzten errekaraz gazteek arrantzan egiteko. Bukatzeko, San Kristobal eguna ospatu zuten uribarriarrek. /2004-07-10

KULTURA

Erantzun ona izan zuten udako ikastaroek

batez beste, 60 lagun baino gehiago hartu zuten parte udako ikastaroetako eskola bakoitzean. Inguruko herrietatik aparte Aretxabaleta, Arrasate, Aramaio... urrunagotik ere etorri ziren interesatuak. 2004ko udako ikastaroen oinarria XVI. Mendeko Euskal Herria izan zen: Euskal Herria XVI. mendean kultura eta garai eraba-

kigarrian izan zen izenburua. Eta gai horren gainean berba egiteko pertsona entzutetsuek bisitatu zuten Aramaio. Guztira 15 aditu-hizlari izan ziren. Tartean, udako ikastaroen antolatzaile Henrike Knörr euskaltzainordea. Bestelakoan artean, Joseba Lakarraren eskuizkribua landu zuten hizlariak, eta baita autore bera ere. /2004-07-09



Ikastaroen irekiera ekitaldia.

ABUZTUA



"Gure artean ondo konpontzen gara eta harreman ona eta gogoia izanez gero, gauzak egin daitezke."

JUAN ANTONIO ARETXAGA / UNTZILLA ETA SUÑA
2004-07-23

GIZARTEA

Gertaera askorik ez, baina jaiak ugari Aramaio aldean

Inguruko leku gehienetan moduan, abuztua hilabete lasaia izaten da Aramaion. Lasaia gertaera aldetik. Horrek ez du esan nahi herrian geratzen direnak aspertu egiten direnik. Ezta gutxiago ere. Izan ere, abuztuan horren ugariak izaten diren inguruko jaiekin batera, Aramaion bertan ere izaten da zer aukera-

tu. Hala, abuztuaren hasiera aldean San Esteban jaiak ospatu zituzten Uribarriko auzotarrek eta haiekin bat egin zutenek. Abuztuaren erdialdean, Andra Mari egunarekin batera, Barajueneren zein Oletan ospatu zituzten jaiak. Eta abuztuari amaiera polita emateko, San Bartolome jaiak ospatu zituzten. /2004-07-23



Oletan lan handia hartzen dute jaiak antolatzeko.

KULTURA

Txirritolaren postal lehiaketak emaitza polita

Oporretatik bueltan, oporretako kontuak izaten dira nagusi hasieran. Kasu honetan, Txirritola Euskara Elkarteak antolatutako aurreneko postal lehiaketaren emaitza jakin guran etorri ginen. Guztira, 29 parte-hartzailek bidali zituzten postalak lehiaketarako. Eta horien artean, Aitziber Aginagaldek eta Unai Kortabarririk bidalitakoa aukeratu zuten irabazle moduan. /2004-09-17



dukiena
dukiena
dukiena
dukiena

dukiena
J A T E T X E A

Azkoaga auzoa. Tel.: 945 44 50 86
ARAMAIO

dukiena
dukiena
dukiena
dukiena

IRAILA



"Gasaren arazoa neguan konpondu behar da, bestela matxinatuko zaizkit"

ESTHER URIARTE / OLETA

2004-09-17



"Donostia hiri polita da, baina hemen bizi ostean, hura deseroso egiten zait"

MIGEL ANJEL LURI / GANTZAGA

2004-09-24

URRIA



"Argitu beharko da zein den gaur egun arazo alkateen lana. Ez daitezene soilik mandatariak edo pertsona sinbolikoak izan"

PEDRO LIZARRALDE / ZALGO

2004-10-22



Bañera Kirol Elkarte desagertu egin zen

Hamahiru urteko ibilbidearen ostean, areto futbolaz arduratzen zen Bañera Kirol Elkarteak bertan behera utzi behar izan zuen jarduna. Elkarteko zuzendaritzako bi kideek taldea utzi behar zutel eta, haien ordez jarduteko beste norbait aurkitzen buru-belarri ahalegindu ziren arren, Aramaion ez zen inor gertu lan hori hartzeko. /2004-09-10

KULTURA

Bizkaitarrak nagusi Itur-Zurik antolatutako margo-lehiaketan

45 margolarik parte hartu zuen Itur-Zuri elkarteak antolatutako aire libreko margo-lehiaketan. Horietatik 31k nagusien mailan jardun zuten. Eta bitxikeria moduan, esan beharra dago hiru irabazleak bizkaitarrak izan zirela: Jon Idigoras ermuarra lehengo; Jose Migel Arranz astrabuardarra bigarren eta Karmen

de la Fuente bilbotarra hirugarren. Gazte mailan, berriz, 14 lagunek parte hartu zuen. Kasu horretan ere, bizkaitarrak izan ziren nagusi. Hala, Raquel Ruano barakaldoarra gailendu zen maila horretan; Maider Aldai aramaioarra izan zen bigarren eta Javier Ruano bilbotarra, hirugarren. /2004-09-15



Argazkian, gazte mailako hiru irabazleak.

KULTURA

Bertso eskolari babes handiagoa emateko elkarte

Aramaioko bertso eskolari babes handiagoa emateko elkarte sortu zuten: ARBE, Aramaioko Bertso Eskola. Udaberrian hasi ziren ekimen horrekin bueltaka. Elkartearen helburua zen bertso eskolarako baliabide gehiago lortzea, dirulaguntzak, esaterako. Eta lortu ere lortu zuten, izan ere, Arabako Foru Aldundiak lehenengo aldiz eman zion dirulaguntza Aramaioko bertso eskolari.


Xabier Agirre aukeratu zuten elkarteko presidente izateko. Horrekin batera, eta besteak beste, Manex Agirrek utzitako lekua betetzeko, irakasle berriak estreintatu zituen bertso eskolak: Andere Arriolabengoa (eskolako umeekin jarduteko), Lierni Altuna, Iker Agirre, Gillen Agirre eta Inaki Viñaspre (eskolaz kanpoko ikasleekin jarduteko). /2004-10-15

GIZARTEA


Kiroldegia zabalik, beste kudeatzaile batzuen esku

Herritarren haserrerako, hila-betetan itxita izan da Aramaioko Udal Kiroldegia. Azkenean, irailean zabaldu zuten berriro. Izan ere, ordura arte Anboto enpresak betetzen zituen herriko udal zerbitzuak lehiaketa publikora atera zituen Udalak. Kontua da luze joan zela zerbitzuez arduratuko zen enpresaren aukeraketa

eta zerbitzuen esleitze prozesua. Eta horren ondorioz, zenbait zerbitzu kaltetuta geratu ziren, tartean, herriko kale eta bestelakoen garbiketa eta kiroldegia kudeaketa. Kontuak kontu, arazoa konpondu eta bestelako udal zerbitzuekin batera, Gasteizko Ekoaraba enpresak hartu zuen lan horren ardura. /2004-09-10



Kiroldegia, itxita.



Musika eta giro paregabea!

Bixente Goikoetxea 10. Tel.: 615 70 45 98 ARAMAIO

UXARTE

- Bost logela komunekin
- Gosariak eta afariak
- TB logelatan

Nekazalturismoa

Untzilla(Aramaio) • Tel.: 945 44 51 46 • Faxa: 945 44 59 10
uxarte@euskalnet.net

AZAROA



"Orain arte kiroldegia herriko haurrek jolasteko aterpea izan da, haurtzaindegi moduko bat-edo"

ALVARO RUIZ / EKOARABA ENPRESAKO LANGILEA
2004-11-05

ABENDUA



"Hedabideek bakoitzaren bidea zein den eta nolakoa den esaten digute"

ARANTZA IBABE / LANGILEA
2004-12-17



"Euskarazko harremana izateko aukera ziurtatuta egon beharko litzateke"

OSKAR ARANA / ITZULTZAILEA
2004-12-17

ZERGAK

Zergen igoyeraren zenbatekoa erabaki zuen udalbatzarrak

2003an zergetan igoyerarik izan ezenez, 2004an udalbatzarrak erabakitako zergen igoera bestetan baino dezente handiagoa izan da. Hala, orokorrean udal zerbitzuei kontsumo prezioen gaineko indizea aplikatu arren, badira zerga batzuk dezente igoko direnak. Horien artean, 2005ean, ur horniduraren gaineko zerga igoko da

gehien: %25, hain zuzen ere. Zabor bilketa, berriz, %15 igoko da eta estolderia, %5,7.

Bestalde, ordura arte aplikatzen ibilitako hobariak bere horretan uztea erabaki zuen udalbatzarrak. Hala, familia ugarietako hobaria %50 izango da hiru seme-alabako familietan, %70 laukoetan eta %90 bostekoetan. /2004-11-12


GIZARTEA

Aurtengo Erretiratuen Eguna sasoi bikainean, berriro ere

Guztira, 26 saltokik bat egin zuten 2004ko Erretiratuen Eguneko baserriaren eta artisauen azokan. Aramaioko Udalak berak 17 saltoki ipini zituen, baina beste bederatziretoren ziren Aramaiora. Oro har, 2003an baino gehiago izan ziren. Horien artean, San Martin Eskolako neska-mutikoen Hirugarren Mundua-

rekiko elkartasun postua ere izan zen, baita Mendiakoak ere.

Erretiratuen Egunean ohi denez, azoka egoteaz gain, meza eta erretiratuendako bazkaria ere izan ziren. Hain zuzen ere, bazkaria izan zen Aramaioko nagusiak omentzeko lekua. Guztira, 160 lagun elkartu ziren Aramaioko kiroldegian. /2004-11-05



Udaletxeko lanak bukatu barik

Udaletxeko langileak abenduaren zati handi bat erabili zuten bulegoetako altzariak, dokumentuak-eta lekuz aldatzen. Udaletxea berri-tzeko lanik handienak abendurako bukatu zituzten-eta; hala, goiko solairuan ipini zuten herritarrendako harrera bulegoa; koadrilako langileen eta euskara teknikariaren gunea; Idazkari-tza, Kontuhartzaitza eta Alkatetza. Beheko solairuan, berriz, gizarte laguntzailearendako gunea egokitu zuten. Igogailua ere ipini zioten udaletxeari. Esandako moduan, lanik handienak abendurako bukatu zituzten; ez, ordea, guztiak. Besteak beste, oso-ko bilkuren aretoko lanak egin barik geratu ziren, eta, aurreikuspenen arabera, otsaila-martxora arte ez dituzte bukatuko. /2004-12-03



Dantza taldeak urtero moduan parte hartu zuen erretiratuen omenaldian.

POLITIKA

Jon Agirre preso aramaioarraren askatasun eske

Jon Agirreren senideek laguntza eskatu zuten presoaren egoera dela-eta. Batetik, presoaren nahia kontuan hartuta, egin behar dioten ebakuntza larria, Malagan barik, Euskal Herrian egin diezaizoten eskatu zuten. Bestetik, eta kontuan hartuta presoak 24 urte daramatzala kartzelan, haren askatasuna lortzeko laguntza eskatu zuten. /2004-12-17

GIZARTEA

Albinako itxitura zenbait puntutan zabaldu behar

Albinako lurjabe batekin izandako ika-mikek eragindako epaketan, epaileak erabaki zuen Albinako itxitura zabaldu egin beharko zutela zenbait puntutan. Horren aurrean, Udalak erabaki zuen 2002an ipinitako hesia ipinitako lekutik kendu eta errepi-detik gertuago ipintzea, eremu publikoan. Lau puntutan egingo dute hori. /2004-12-03

KULTURA

Umeendako zinema emanaldiak berriro ere abiarazita

Udal-zerbitzuen esleipen berriak eragindako etenaldia- ren ostean, berriro ere hasi ziren umeendako zinema emanaldiak egiten. Hain zuzen ere, Gabonetako oporrak aprobetxatu zituen Udalak zerbitzu hori abiarazteko. Hala, bada, Anboto enpresak barik, Gasteizko Eko-araba enpresak beteko du lan hori aurrerantz. /2004-12-03

artizar

Label kalitatea
duen esnea

Jai zoriontsuak opa dizkizuegu!

Zabola-Azkoaga
ARAMAIO

945 445 924 / 679 162 499

ARBEL S.A.T 16

Garantiazko pentsu naturalak

Errotabarri 1,
Tel: 945 44 51 19
Aramaio



*Aramaioko
Udalbatzak Gabon jai
zoriontsuak opa dizkizue
aramaiar guztioi*



ARAMAIOKO UDALA
ARABA